

Unsere Stammbaum

Ich wor ne stolze Römer, kom met Cäsars Legion

Un ich ben ne Franzuus, kom mem Napoleon.

Ich ben Buur, Schreiner, Fescher, Bettler un Edelmann,
Sänger un Gaukler, su fing alles aan.

Su simmer all he hinjekumme,
mir sprechen hück all dieselve Sproch.

Mir han dodurch su vill jewonne,
mir sin wie mer sin, mir Jecke am Rhing,
dat es jet wo mer stolz drop sin.

Ich ben us Palermo, braat Spaghettis für üch met.
Un ich, ich wor ne Pimock, hück laach ech met üch met.
Ich ben Grieche, Türke, Jude, Moslem un Buddhist,
mir all, mir sin nur Minsche, vür'm Herrjott simmer glich.

Su simmer all....

De janze Welt, su süht et us, es bei uns he zo Besök.
Minsche us alle Länder truff mer he aan jeder Eck.
Mer gläuv, mer es en Ankara, Tokio oder Madrid,
doch se schwade all wie mir un söke he ihr Glück.

Su simmer all....